



Stord kommune

Sekretariat for kontrollutvalet

Stord kommune

Vår sakshandsamar: Hogne Haktorson

Dykkar ref.:
Vår ref: 2015/179
Vår dato: 01.10.2019

Partsbrev - Budsjett 2020 for kontroll og tilsynsarbeidet i Stord kommune

Vedlagt følger partsbrev med vedtak i sak frå kontrollutvalet i Stord kommune sitt møte 24.09.19., KUV PS 46_19.

- Partsbrev vedr. framlegg til budsjett for kontrollarbeidet for 2020
- Taldel vedr. budsjett for kontrollarbeidet i 2020

Påskrift frå sekretariatet:

Gjer merksam på at i «Forskrift om kontrollutvalg og revisjon» heiter det i § 2 m.a.:

«Kontrollutvalget skal utarbeide forslag til budsjett for kontrollarbeidet i kommunen eller fylkeskommunen. Forslaget skal følge innstillingen til årsbudsjettet etter kommuneloven § 14-3 tredje ledd til kommunestyret eller fylkestinget.»

Med helsing

Hogne Haktorson
kontrollsjef

Dokumentet er elektronisk godkjent og har derfor ikkje underskrift.

Kopi til:
KPMG AS
Kontrollutvalsleiar

Arkivsak: 151
 Arkivnr: 2015/179-68
 Sakshandsamar: Hogne Haktorson

Saksframlegg

Saksgang

Utval	Saknr.	Møtedato
Kontrollutvalet i Stord kommune	46/19	24.09.2019

Budsjett 2020 for kontroll og tilsynsarbeidet i Stord kommune

Bakgrunn for saka:

Stortinget vedtok ny kommunelov 22.06.2018 og denne skal i hovudsak tre i kraft frå konstituerande møte i kommunestyret for valperioden 2019 – 2023. På bakgrunn av denne vedtok KMD 17.06.2019 ny forskrift om kontrollutval og revisjon som skal tre i kraft frå konstituerande møte i ny valperiode.

Av denne går det fram dette av § 2 Kontrollutvalgets rolle i fastsetting av budsjett for kontrollarbeidet:

«Kontrollutvalget skal utarbeide forslag til budsjett for kontrollarbeidet i kommunen eller fylkeskommunen. Forslaget skal følge innstillingen til årsbudsjettet etter kommuneloven § 14-3 tredje ledd til kommunestyret eller fylkestinget.»

Drøfting:

Kontrollutvalet har ansvar for å utarbeide budsjettforslag for kontroll- og tilsynsarbeidet i kommunen. Det som er særskilt med kontrollarbeidet er at det eigentleg er administrasjonen som vert revidert. Såleis skal kontrollutvalet innstilla direkte overfor politisk organ.

For revisjonstenestene er det teke utgangspunkt i avtale som vart inngått med KPMG fom. 1.7.2017. Det er også lagt inn indeksregulering av gjeldane prisar i tråd med avtalen. Budsjettert kostnad med revisjon skal dekke både arbeid med rekneskapsrevisjon og anna revisjonsarbeid, t.d. prosjekt innan forvaltningsrevisjon og eigarskapskontroll.

Vidare er det lagt til grunn at det er 5 møter i året, slik det har vore dei siste åra og slik det er planlagt for 2019. Det er også lagt inn møtegodtgjersle og tapt arbeidsforteneste for medlemene i kontrollutvalet, kostnader til at medlemer i kontrollutvalet kan delta på ein nasjonal fagleg kontrollkonferanse, medlemskap i Forum for Kontroll og Tilsyn (FKT), abonnement på "Kommunerevisoren" og ein diverse post.

Det er verd å merka seg kommunestyret sitt vedtak om at godtgjersle for kontrollutvalsleiarar blir harmonisert med godtgjersla til leiarane i hovudutvala for valperioden 2019 – 2023. Såleis monaleg høgre sum på denne budsjettposten for 2020. Dessutan er det lagt inn ekstra midlar til folkevaldopplæring for kontrollutvalsmedlemmane i første året av ny valperiode, slik det er vanleg å gjera året etter kommuneval.

Kontrollutvalet skal minst ein gong i valperioden, og seinast innan utgangen av året etter at kommunestyret eller fylkestinget er konstituert, utarbeide ein plan som viser på kva områder det skal gjennomførast forvaltningsrevisjonar, jf. ny kommunelov § 23-3. Denne skal tuftast på en risiko- og vesentlegvurdering av kommunen si verksemd og verksemda i selskap som kommunen eig eller er medeigar i. Vidare skal kontrollutvalet minst ein gong i valperioden, og seinast innan utgangen av året etter at kommunestyret eller fylkestinget er konstituert, utarbeide ein plan for kva eigarskapskontrollar som skal gjennomførast, jf. ny kommunelov § 23-4. Denne skal tuftast på ein risiko- og vesentlegvurdering av kommunen sin eigarskap.

Det normale er at kontrollutvalet ber revisor om medverknad i dette arbeidet og det bør derfor budsjetterast med ekstra ressursar til å få gjennomført dette arbeidet i 2020, som er første året i ny valperiode. Dette er integrert i forslag til revisjonskostnader for 2020.

I kontrollutvalet sitt budsjett bør det leggst inn midlar til å gjennomføra prosjekt innan forvaltningsrevisjon og eigarskapskontroll i tråd med planane. I ein kommune av Stord kommune sin storleik vil prosjektarbeid normalt krevja ei ramme på om lag 400 timar / år.

Prisen for tenestene sekretariatet gjer bygger på gjeldande avtale fom. 01.01.2017. Avtalen inkl. konsumprisreg. i tråd med kostnadsutviklinga som går fram av Statistisk Sentralbyrå sin indeks for andre tenester med arbeidsløn som dominerande prisleik.

Konklusjon:

På bakgrunn av dette tilrår sekretariatet at kontrollutvalet innstiller overfor kommunestyret om godkjenning for det budsjettforslaget som ligg føre.

Forslag til vedtak

Kontrollutvalet vedtar forslag til budsjett inkludert endringar som blir gjort i møtet. Budsjettforslaget vert sendt Stord kommune for vidare handsaming.

Saksprotokoll i Kontrollutvalet i Stord kommune - 24.09.2019

Handsaming i møtet:

Forslag til vedtak vart samrøystes vedteke.

Vedtak:

Kontrollutvalet vedtar forslag til budsjett inkludert endringar som blir gjort i møtet. Budsjettforslaget vert sendt Stord kommune for vidare handsaming.

Hogne Haktorson
kontrollsjef

Dokumentet er elektronisk godkjent og har derfor ikkje underskrift.

Vedlegg

1 Budsjett 2020 for kontroll og tilsynsarbeidet i Stord kommune